

Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Poenitentia Et Reliqvis Sacramentis

Vindalium, 1646

Sect. II. An confessarius teneatur poenitentiam imponere, & eam
poenitens acceptare.

urn:nbn:de:hbz:466:1-38867

Tertio ad satisfactionem de condigno, requiritur promissio Dei: nam etsi opera hominis iusti, quatenus à gratia procedunt, habeant ex se eitra ullam premissionem Dei, condignitatem aliquam ad satisfaciendum; ut tamen per ea infallibiliter remittantur poenae purgatorij, requiritur promissio Dei, qua se obstrinxerit ad remittendam poenam illam, pro altera in hoc mundo liberè assumpta: sine tali enim promissione nulla est ratio, cur Deus teneatur ex iustitia, remittere poenam purgatorij iuste impositam, pro pena huius vitæ, quæ est alterius omnino rationis, & multò remissior.

SECTIO II.

An confessarius teneatur poenitentiam imponere & eam pœnitens acceptare.

CONCLUSIO I.

Confessarius tenetur per se loquendo, satisfactionem aliquam pœnitenti imponere: in variis tamen casibus ab ea obligatione est liber.) Prior pars sumitur ex Concil. Trident. sess. 14. cap.

8. eaque ratione ostenditur ; quia licet actualis satisfactio non pertineat ad essentiam sacramenti Pœnitentiæ , est tamen de illius integritate. Confessarius autem tenetur integrum confidere sacramentum ; quare tenetur non modo reum absoluere , sed etiam ipsi pœnitentiam iniungere.

Confirmatur nam postquam Confessarius peccata audiuit in confessione , si pœnitens sit ritè dispositus ad gratiam consequendam , tenetur illum absoluere à peccatis , & in amicitiam cum Deo restituere. Aliundè verò quia pœnitens Deum offendit , tenetur Confessarius illi satisfactionem aliquam imponere , ut inæqualitas illa qua inter Deum & peccatorem constituta fuerat per peccatum , tollatur quantum fieri potest ; alias non seruaret æquitatem in iudicio ferendo.

Ratio posterioris partis est quia contingere potest ut pœnitens dum absolu-
turomnifensi priuatus sit , & nihil percipere queat , in quo casu superuacaneū es-
set illi pœnitentiam aliquam imponere.
Imo si pœnitens ante confessionem suf-
ficienter , arbitrio Sacerdotis satisfece-
rit , non est necesse illi nouam satisfa-
ctionem imponere , quia iam soluit quod

DE POENITENTIA. CAP. V. 69

debebat. Denique tāta esse potest poenitentis contritio, vt ea sufficiat ad totius poenæ debitæ remissionem. Verūm quia non facilè constare potest, an talis sit contritio, aut satisfactio præcedens, vt totam poenam deleuerit; ideo vt plurimum iniungenda est in iis casibus, satisfactio aliqua saltem leuis. Quod si ægrotus auditu omnino priuatus non est, curet Sacerdos vt ter nomen Iesu, aut Mariæ, vox, vel solūm corde proferat, aut aliam eiusmodi leuem poenitentiam, pro qualitate virium, illi iniungat.

CONCL V S I O II. Confessarius tenetur satisfactionem aliquo modo proportionatam peccatis imponere, nisi ex rationabili causa inducatur ad leuiorem iniungendam.) Ratio prioris partis est, quia hoc Sacramentum institutum est per modum iudicij, in quo Sacerdos sententiam profert; debet ergo ponderare grauitatem in peccatorum, & iuxta illam poenam imponere: alias si pro grauissimis peccatis leuissimas poenas imponeret, non seruaret æquitatem: sicut vice versa esset iniuriosus poenitenti, si proper culpas leuissimas poenas ei grauissimas iniungeret.

Ratio posterioris partis est, quia poenitentiæ non tantum imponuntur ad

70. V. TRACTATVS

windictam, & castigationem præteritorum peccatorum; verum etiam ad nouæ vitæ custodiam, & infirmitatis medicamentum, vt liquet ex loco citato Concilij Trident. Interdum autem contingere potest, vt si Sacerdos pœnas valde graues imponat, terreatur peccator, & præ fragilitate eas subire nolit, indeque occasionem sumat similia peccata alias in confessione reticendi. Quare Sacerdos prudenter spectare debet, non modo gravitatem peccati, sed etiam feruorem pœnitentis, & conditionem illius; vt omnibus diligenter perspectis, eam pœnitentiam iniungat, quam iudicat esse magis accommodatam vtilitati pœnitentis.

Nota, communiter pœnitentibus imponi debere opera externa, & ea ad quæ ex præcepto non obligantur. Interdum tamen imponi possunt actus interni, & opera quæ aliundè sub præceptum cadunt. Primum patet, quia talia opera facilis impleri possunt, maximè à rudibus qui orationi mentali, elevationibus cordis, aliisque operationibus internis minimè sunt affueti. Secundum constat, quia pœnitentia imponi debet in vindictam & grauamen: qui autem tenetur, verbi causa, aliquo die audire Missam, non graua-

DE POENITENTIA CAP. V. 71

tur de novo, si Confessarius ei præcipiat,
ut tali die Missæ sacrificio intersit: qua-
re ut plurimum, opus non præceptum ei
imponi debet. Tertium patet: nam opus
internum potest multum adiumenti af-
ferre pœnitenti, ut eum à peccatis re-
trahat. Cur ergo non licebit tale opus ei
iniungere; præsertim cùm pœnitentia non
solum sit punitiva, sed etiam medicinalis
& sanativa? Nec refert quòd actus inter-
nus per se sensibilis non sit: talis enim est
per aliud, nempè per iussionem Sacerdo-
tis, & acceptationem pœnitentis. Quar-
tum denique ostenditur: nam cum homo
satisfacere possit per opera aliás præcep-
tia, ut suprà dictum est; nulla ratio est,
cur talia opera in confessione imponi non
possint.

C O N C L V S I O III. Pœnitens
tenetur pœnitentiam impositam accepta-
re, etiam pro peccatis aliás confessis
eamque per se exequi.) Prima pars pro-
batur, tum quia in Concilio Flotent. in-
ter pœnitentis actus ponitur satisfactio
operis, ad arbitrium Sacerdotis: tum quia
ibidem statuitur, ad integratem sacra-
menti Pœnitentiæ, requiri ex institutione
diuina contritionem, confessionem, atque
satis factionem: tum quia in Concilio
Trident. sess. 14. cap. 8, docetur claves

72 TRACTATUS

Sacerdotum, non tantum ad soluendum, sed etiam ad ligandum, scilicet per impositionem pœnitentiæ, concessas esse: non essent autem concessæ ad ligandum, nisi pœnitens iis ligari posset: atque adeò nisi teneretur pœnitentiam impositam implere.

Notandum autem hæc intelligi, de pœnitentia prudenter imposta: nam si ea manifestè iniqua sit, aut facultatem pœnitentis superet, ut si valde infirmo imponeretur ieunium plurimum dierum, aut quid simile, non tenetur eam ille acceptare. Quare Sacerdotes curare debent, ut quantum fieri potest se accommodent infirmitati pœnitentium; & in dubio potius in partem mitiorem vergant, ut quod remissior est pœnitentia, eo pœnitentes eā libentius amplectantur; quod non parū conduceat ad perfectionem satisfactionis: quia sicut Deus hilarem datorem dilit, ita & hilarem satisfactorem. Dixi, manifestè iniqua: nam in dubio, authores sopenit standum esse Sacerdotis iudicio.

Secunda pars colligitur ex dictis: nā Sacerdos tenetur etiā illi qui peccata alias confessa iterum confitetur, pœnitentiam iniungere, tum ad integratatem sacramenti, tum ad seruandam æquitatem iudicij, &c. Ergo etiam pœnitens tenetur pœnitentiam

DE POENITENTIA. CAP. V. 73

pœnitentia acceptare ; maximè quia æquum est; ut quoties aliquis vult gaudere beneficio sacramenti , circa eadem peccata , toties ille ponat ex parte sua, quicquid requiritur ad integratatem sacramenti, sicut etiam toties peccata confitetur,& de iis conteritur.

Dices , hoc ad summum verum esse in eo, qui non satisfecit: at supponimus pœnitentem, qui secundò peccata confiteratur, aliàs pro iis satisfecisse. Cur ergo tenebitur iterum satisfacere ? Respondeo teneri iterum acceptare pœnitentiam aliquam , ut integrum sit sacramentum Pœnitentiæ: nam satisfactio aliàs exhibita pertinebat ad integratatem sacramenti eo tempore suscepti ; non potest autem eadem integrare sacramentum quod nunc sumitur : quia sicut sacramentum istud numero à præcedenti distinguitur, ita materiam numero distinctam postulat.

Tertia pars ostenditur , quia satisfactio imponitur in pœnam , & ultionem peccati; ille autem qui peccauit , debet pœnam sustinere , ut sicut culpa est personalis, ita sit & pœna. Quod intelligevisi res præcepta talis fit , ut nihil referrat, etsi per alium eam exequaris. Et sic, verbi causa , si Sacerdos præcipit ut des de Pœnitentia,

D

eleemosynam, satisfacis illius præcepto,
Si eam per seruum tuum eroges: secus au-
tem dicendum est, si iubeat ut ieunes,
aut sacrum audias, vel rosarium recites;
ea enim & similia per teipsum exequi
debes, si fieri potest. Quod si contingat
te, vel ob superuenientem infirmitatem,
vel alia ex causa rationabili, pœnitent-
tiam posterioris generis implere non pos-
se, non teneris eam implere per aliud,
aut aliud opus facere.

SECTIO III.

An Pœnitentia imposta mutari possit.

CONCLUSIO

Pœnitentiam immutare potest, tum il-
le qui eam imposuit, tum aliis qui-
vis confessarius, sine sic illius superior, si-
ue æqualis, sine etiam inferior.) Quòd
idem possit, patet, quia nihil obstat quin
idem index possit causam ante iudica-
tam, iterum iudicare; cùm eandem reti-
neat potestatem, & pœnam impositam
ratione habita variarum circumstan-
tium, quæ ante non occurserant, mutare:
maxime in foro conscientiæ, quod in fa-